

Headline **Tabung Haji beri 5 peratus**  
Date **04 Feb 2010**  
MediaTitle **Berita Harian**  
Section **Nasional**  
Journalist **Johari Ibrahim dan Haika Haizi**  
Frequency **Daily**  
Circ / Read **192,917 / 1,521,000**

Language **Malay**  
Page No **8**  
Article Size **435 cm<sup>2</sup>**  
Color **One Spot Color**  
ADValue **7,030**  
PRValue **21,091**



# Tabung Haji beri 5 peratus

## RM1.1b bonus dibayar kepada 5.1 juta pemegang akaun

Oleh Johari Ibrahim dan Haika Khazi

**P**UTRAJAYA: Tabung Haji (TH) semalam mengumumkan bonus bagi pendeposit sebanyak lima peratus bagi 2009 membabitkan anggaran bayaran RM1.1 bilion kepada 5.1 juta pemegang akaunnya.

Menteri di Jabatan Perdana Menteri, Datuk Seri Jamil Khir Baharom, berkata pembayaran bonus itu adalah tambahan 2.75 peratus kepada bonus interim sebanyak 2.25 peratus bagi separuh tahun pertama 2009 yang sudah dilunaskan kepada pendeposit pada Oktober lalu.

Beliau berkata, bonus tambahan itu dikreditkan ke dalam akaun pendeposit Tabung Haji seawalnya Isnin ini.

Katanya, Tabung Haji merekodkan pendapatan RM1.689 bilion tahun lalu, dengan keuntungan operasi RM1.245 bilion dan untung selepas zakat RM1.119 bilion.

"Kadar bonus ini lebih baik berbanding kadar bagi simpanan tetap dan tabung komersial. Tabung Haji mengekalkan kadar bonusnya pada 2009 dan tahun sebelumnya dalam suasana kadar pasaran dan keuntungan deposit di perbankan komersial yang menurun sejak 2008," katanya pada sidang media, di sini, semalam.

Bonus interim 2.25 peratus

membabitkan pembayaran RM465 juta sudah diserahkan kepada pendeposit pada Oktober lalu.

Beliau berkata pada 2009, Tabung Haji meraih keuntungan selepas zakat melepasi RM1 bilion untuk kali ketiga berturut-turut sejak 2007.

"Pendapatan keuntungan selepas zakat Tabung Haji masing-masing sebanyak RM1.7 bilion dan RM1.1 bilion meningkat pada kadar 12 peratus berbanding 2008," katanya.

Pada tahun lalu, katanya, dana pendeposit Tabung Haji ialah RM23 bilion, meningkat 12 peratus daripada RM20.6 bilion pada 2008.

"Peningkatan ini menunjukkan keyakinan pendeposit dengan penambahan simpanan RM5.9 bilion dan penambahan nilai sebanyak RM3.8 bilion daripada aktiviti pelaburan sejak 2006.

"Sebanyak 49 peratus atau kira-kira RM827.6 juta pendapatan Tabung Haji bagi tahun lalu adalah hasil keuntungan urus niaga saham," katanya.

Jamil Khir berkata, kadar bayaran zakat Tabung Haji bagi tahun lalu juga meningkat RM1 juta berbanding RM38 juta pada 2008.

Ditanya mengenai unjuran bonus bagi tahun ini, beliau berkata, Tabung Haji mungkin boleh membayar dengan

kadar yang lebih baik memandangkan senario ekonomi yang semakin pulih.

Tabung Haji pernah membayar bonus setinggi tujuh peratus pada 2007.

INFO
<b>Bonus TH</b>
■ 2009 - 5 peratus
■ 2008 - 5 peratus
■ 2007 - 7 peratus
■ 2006 - 4.75 peratus
■ 2005 - 5.5 peratus

**“Kenaikan gaji yang terbaik setakat ini. Ia sepadan dengan pengorbanan dan cabaran dihadapi anggota polis khususnya dalam menjaga ketenteraman awam”**

**Superintendent  
Che Hussin Omar**  
Ketua Trafik dan  
Ketenteraman Awam  
Selangor

### Gaji baru polis

**“Jelas kerajaan ambil berat kebajikan polis dan secara tidak langsung dapat kurangkan gejala rasuah atau salah guna kuasa”**

**Asisten  
Superintendent  
Suffian Sulaiman**  
Pegawai Turus Hal Ehwal  
Awam Ibu pejabat  
Kontinjen Kuala Lumpur

**“Satu insentif dan penghargaan daripada kerajaan untuk polis yang memikul cabaran serta tugas mencabar dalam menegakkan keadilan”**

**Asisten  
Komisioner  
Mohd  
Shakaruddin  
Che Mood**  
Ketua Polis Daerah Kajang

REAKSI

Headline **Tabung Haji beri 5 peratus**  
Date **04 Feb 2010**  
MediaTitle **Berita Harian**  
Section **Nasional**  
Journalist **Johari Ibrahim dan Haika Haizi**  
Frequency **Daily**  
Circ / Read **192,917 / 1,521,000**

Language **Malay**  
Page No **8**  
Article Size **435 cm<sup>2</sup>**  
Color **One Spot Color**  
ADValue **7,030**  
PRValue **21,091**



**JAMIL KHIR** diiringi Ketua Pegawai Eksekutif Tabung Haji, **Datuk Ismee Ismail** umumkan bonus lima peratus di Putrajaya, semalam.